

## **CONVENIO ENTRE A CONSELLERÍA DE CULTURA, LINGUA E XUVENTUDE E O CONCELLO DE MARÍN PARA EQUIPAMENTO DE NOVO AUDITORIO MUNICIPAL.**

Don José Carlos López Campos, na súa condición de conselleiro de Cultura, Lingua e Xuventude, en virtude do seu nomeamento mediante o Decreto 44/2024, do 14 de abril, no exercicio das atribucións que lle confire o artigo 34 da Lei 1/1983, do 22 de febreiro, reguladora da Xunta e a súa Presidencia.

Dona María Pilar Ramallo Vázquez, con DNI 52495851F, en calidade de alcaldesa do Concello de Marín, con CIFP3602600C, actuando en virtude das facultades representativas que lle atribúen os artigos 21.1 b) da Lei 7/1985, de 2 de abril, reguladora das bases do réxime local e 61.1.a) da Lei 5/1997, do 22 de xullo, de Administración Local de Galicia.

Interveñen en función dos seus respectivos cargos e no exercicio das súas facultades que para convir no nome das entidades que representan teñen conferidas, e,

### **EXPOÑEN:**

Que as dúas entidades son conscientes da necesidade de actuacións de carácter sociocultural que permitan unha adecuada oferta, co obxecto de satisfacer as necesidades en materia cultural.

Que a Xunta de Galicia ten atribuídas funcións en materia de fomento da cultura, de acordo co establecido no artigo 27.19º do Estatuto de Autonomía, en consonancia co estipulado no artigo 148.1º.17ª da Constitución Española. Dentro de ese ámbito competencial, a Consellería de Cultura, Lingua e Xuventude desenvolve unha serie de actuacións encamiñadas á divulgación, información e promoción da cultura, para achegar o máximo posible o noso patrimonio cultural á sociedade en xeral.

A Consellería de Cultura, Lingua e Xuventude quere acometer a realización de actividades de promoción e divulgación do patrimonio e da cultura galega; mediante a programación de actuacións de recuperación da nosa cultura preténdese acadar unha maior eficacia na consecución destes obxectivos, por medio do desenvolvemento de actividades culturais e de fomento da cultura en lingua galega.

Con este convenio asegúrase a realización de diversas manifestacións da cultura galega levadas a cabo por entidades que a queren dar a coñecer, mediante a súa promoción dentro e fora do noso país, coa organización de actividades que permitan un maior coñecemento dela.



Marín como un municipio comprometido coa programación teatral e democracia cultural quere fomentar o achegamento da cultura a todas as capas sociais e á poboación de municipios do tamaño do noso, facéndoa accesible e horizontal e cumprindo deste xeito coa democratización da cultura, un obxectivo ao que precisan aspirar todas as administracións.

O Concello de Marín vai poñer en marcha un novo centro cultural que se vai converter nun referente para o concello. Este novo edificio é unha infraestrutura clave para enriquecer a vida cultural, artística e social do municipio, proporcionando un espazo con capacidade para programar espectáculos que na actualidade non se poden realizar por carecer de instalacións idóneas. Neste edificio tamén se situará o arquivo histórico-cultural do municipio. Para poñer en marcha esta infraestrutura cultural é necesario equipala. O inmovible contará cun amplo salón de actos con 550 plazas distribuídas en 2 niveis e disporá dun sistema divisorio que permitirá empregar o espazo segundo as necesidades.

Concretamente, trátase de dotar de equipamento técnico e escénico necesario para que o futuro Auditorio de Galicia poida albergar propostas escénicas de alta calidade, profesionais e homologables ás ofertadas pola rede B de Teatros de Galicia, dependente da AGADIC, e pasar así a formar parte de dita rede.

A Rede Galega de Teatros e Auditorios consolidouse como o principal circuíto para a exhibición da produción escénica galega de carácter profesional, á que dota de estabilidade na súa programación habitual. A Xunta de Galicia cofinancia esta rede cos concellos e entidades xestoras dos espazos asociados. O seu calendario de funcións estrutúrase en períodos semestrais de programación, nos que teñen cabida todas as artes escénicas e musicais, con especial protagonismo do teatro e das compañías galegas.

Estas son algunhas cuestións de interese público que ten a adquisición de mellor equipamento:

1. Mellora da calidade e accesibilidade das actividades culturais: A inversión en equipamento técnico de última xeración garante que as actividades culturais e as obras de teatro que se realicen no Auditorio se leven a cabo cos máis altos estándares de calidade. Isto mellora a experiencia do público e dos artistas, creando un entorno máis profesional, accesible e atractivo. A calidade do son, a iluminación e a proxección visual son elementos fundamentais para que o público poida disfrutar dunha experiencia completa, o que, ao seu turno, incentiva a asistencia aos eventos culturais.



2. Aumento da competitividade cultural e turística do municipio: Un Auditorio ben equipado convértese nun referente para outras localidades e atrae tanto a producións de renome como a artistas e compañías teatrais de alto nivel. Isto converte ao municipio nun destino cultural atractivo, tanto para residentes como para turistas. A posibilidade de albergar eventos de maior escala, como concertos ou xiras de compañías internacionais pode xerar un fluxo de turistas, o que impulsa a economía local e promove o turismo cultural.

3. Potenciación da programación cultural local: Cun equipamento técnico adecuado, o Concello poderá ofrecer unha programación máis variada e de maior calidade, fomentando a inclusión e a diversidade cultural. A mellora das instalacións permite a incorporación de novos xéneros e espectáculos, desde música e teatro ata cine, danza e eventos multidisciplinares. Isto non só atrae a un público máis amplo, senón que tamén contribúe á formación cultural da comunidade.

4. Fomento da creatividade e o talento local: O acceso a un Auditorio ben equipado ofrece aos artistas locais a oportunidade de mostrar as súas creacións cos recursos necesarios para facelo da mellor maneira posible. Ademais, fomenta a colaboración con compañías e profesionais do sector, o que pode abrir portas para que os creadores locais amplíen a súa visibilidade e desenvolvan as súas carreiras. O apoio á cultura local convértese así nun pilar fundamental para a identidade.

5. Promoción da inclusión social e accesibilidade: A actualización do equipamento técnico tamén podería, chegado o caso, incorporar sistemas de accesibilidade, como a subtitulación en tempo real, a audiodescrición ou a interpretación en lingua de signos, o que permite que persoas con discapacidade poidan disfrutar plenamente das actividades culturais.

6. Aforro en mantemento a longo prazo: A inversión en tecnoloxía moderna e eficiente pode reducir significativamente os custos de mantemento e reparación no futuro. Ademais, as tecnoloxías actuais adoitan ser máis enerxeticamente eficientes, o que reduce os gastos operativos relacionados co consumo de electricidade, contribuindo tamén ao cumprimento dos compromisos medioambientais do Concello.

9. Impacto na saúde e o benestar social: A cultura e a arte teñen un impacto positivo demostrado na saúde mental e o benestar emocional das persoas. Investir nun espazo adecuado para actividades culturais pode mellorar a calidade de vida dos cidadáns, fomentando a participación, a creatividade e a integración social.



Por isto, para acadar unha maior eficacia na execución de actuacións, dado o interese común das partes asinantes, que teñen intereses coincidentes, é polo que asinan este convenio de colaboración, de acordo coas seguintes,

## CLÁUSULAS

### PRIMEIRA.- Obxecto e actuacións

É obxecto deste convenio establecer as condicións polas que se rexerá a colaboración entre a Consellería de Cultura, Lingua e Xuventude e o Concello de Marín para dotar de equipamento técnico e escénico necesario para que o futuro Auditorio de Galicia poida albergar propostas escénicas de alta calidade, profesionais e homologables ás ofertadas pola rede B de Teatros de Galicia, dependente da AGADIC, e pasar así a formar parte de dita rede.

Custo total: 336.783,09 €.

SON			
CANTIDADE	MATERIAL	PREZO UNIT.	TOTAL
1	Mesa de mesturas	2.748,00	2.748,00
2	Micros de cable	142,80	285,60
2	Pés de micro	66,00	132,00
2	Recintos acústicos 1000 w	1.093,00	2.186,00
2	Monitores 400 w	572,40	1.144,80
2	Cables de micro	40,80	81,60
1	Ecualizador	133,20	133,20
1	Central intercom, petacas e cascos	1.428,00	1.428,00
1	Reprodutor son 268,80 268,80	268,80	268,80
2	Subwoofer autoamplificado con procesador	1.400,00	2.800,00
<b>Total SON</b>			<b>11.208,00</b>



<b>LUCES</b>			
<b>CANTIDADE</b>	<b>MATERIAL</b>	<b>PREZO UNIT.</b>	<b>TOTAL</b>
1	Consola luces	3.594,00	3.594,00
1	Monitor para consola	192,00	192,00
24	Canles dimmer (6 canles unidade)	64,80	1.555,20
1	Patch pannel	7.689,60	7.689,60
20	Luminarias P.C.led	540,00	10.800,00
12	Proxectores recorte	780,00	9.360,00
12	PAR led 180 w	164,40	1.972,80
6	Panoramas asimétricos c/lámpada	122,40	734,40
2	Splitters 4 saídas	162,00	324,00
50	Garras	7,20	360,00
50	Eslingas de seguridade	2,62	131,00
6	Torres de rúa (burricanas)	278,40	1.670,40
20	Latiguillo DMX 1,5 m	7,56	151,20
16	Latiguillo DMX 3 m	9,00	144,00
10	Latiguillo DMX 6 m	15,00	150,00
6	Latiguillo DMX 15 m	26,40	158,40
16	barras hurting/ 6 shuckos	223,20	3.571,20
<b>Total LUCES</b>			<b>42.558,20</b>

<b>CÁMARA NEGRA</b>			
<b>CANTIDADE</b>	<b>MATERIAL</b>	<b>PREZO UNIT.</b>	<b>TOTAL</b>
8	corte manual 5 tiros bilite 50 mm	2.906,60	23.252,80
4	corte motorizado	7.705,50	30.822,00
1	cadro manobra motores (consola remota)	6.804,00	6.804,00



3	corte torno para pano boca, bambalinón e fondo	3.984,00	11.952,00
1	cámara negra completa **	14.137,60	14.137,60
18	vara luces 8 circuítos	576,00	10.368,00
1	Instalación 1 electromecánica	16.804,80	16.804,80
1	Pano	47.323,92	47.323,92
1	carril motorizado	7.291,20	7.291,20
<b>Total CÁMARA NEGRA</b>			<b>168.756,32</b>

<b>OUTROS</b>			
<b>CANTIDADE</b>	<b>MATERIAL</b>	<b>PREZO UNIT.</b>	<b>TOTAL</b>
3	Rolos vinilo de danza de 25 x 2 m	902,40	2.707,20
1	Conversor de HDMI	100,80	100,80
300	300 metros RJ45	1,08	324,00
12	Conectores RJ en escenario con carcasa	6,24	74,88
1	Pano 2 follas para aforo patio de butacas con carril	7.164,00	7.164,00
1	Material funxible	1.000,00	1.000,00
<b>Total OUTROS</b>			<b>11.370,88</b>

<b>SUBTOTAL</b>	<b>233.893,40</b>
GASTOS XERAIS (13%)	<b>30.406,14</b>
BENEFICIO INDUSTRIAL (6%)	<b>14.033,60</b>
<b>TOTAL NETO</b>	<b>278.333,14</b>
<b>IVE</b>	<b>58.449,95</b>
<b>TOTAL</b>	<b>336.783,09</b>



De acordo co artigo 26 da Lei de Subvencións non é posible promover a concorrência pública para a realización desta actividade. Trátase da posta en marcha dunha infraestrutura cultural que é necesario dotala de equipamento. Concretamente, trátase de dotar de equipamento técnico e escénico necesario para que o futuro Auditorio de Galicia poida albergar propostas escénicas de alta calidade, profesionais e homologables ás ofertadas pola rede B de Teatros de Galicia, dependente da AGADIC, e pasar así a formar parte de dita rede.

A Rede Galega de Teatros e Auditorios consolidouse como o principal circuíto para a exhibición da produción escénica galega de carácter profesional, á que dota de estabilidade na súa programación habitual. A Xunta de Galicia cofinancia esta rede cos concellos e entidades xestoras dos espazos asociados. O seu calendario de funcións estrutúrase en períodos semestrais de programación, nos que teñen cabida todas as artes escénicas e musicais, con especial protagonismo do teatro e das compañías galegas.

Por todo o anterior, o concello de Marín é o que posúe a especificidade como beneficiario así como a da actuación subvencionada e o interese social da axuda concedida, sendo esta actividade con estas especiais características, a única que se vai desenvolver na nosa Comunidade Autónoma.

Así mesmo e de acordo coa planificación estratéxica realizada pola Dirección Xeral de Cultura, para o ano 2025, e dada a especificidade e exclusividade das actividades a realizar baseadas en criterios obxectivos, a sinatura deste convenio encádrase dentro dos previstos nese plan.

## **SEGUNDA.- Obrigas do concello de Marín**

O Concello comprométese, pola súa parte, a facer constar en toda a publicidade que xeren estas actividades –tanto impresa como audiovisual- a colaboración Xunta de Galicia, para o que utilizará a normativa da imaxe corporativa da Xunta de Galicia. Así mesmo comprométese ao cumprimento das obrigas contidas na Lei 9/2007, do 13 de xuño, de subvencións de Galicia e en especial as recollidas no artigo 11 desta norma. Tamén será de aplicación o establecido no Decreto 11/2009, do 8 de xaneiro, en canto non se opoña á lexislación anterior. Con carácter supletorio, será de aplicación o disposto na Lei 38/2003 xeral de subvencións e no seu regulamento, aprobado polo Real Decreto 887/2006, do 21 de xullo.

O Concello deberá dar cumprimento das obrigas de publicidade que se establecen no artigo 18 da Lei 38/2003, do 17 de novembro, xeral de subvencións, modificado polo



artigo 30 da Lei estatal 15/2014, do 16 de setembro, de racionalización do sector público e outras medidas de reforma administrativa.

O Concello ten a obriga de prestar colaboración e facilitar tanta documentación lle sexa requirida no exercicio das funcións de control que lle corresponden á Intervención Xeral da Comunidade Autónoma e ao Consello de Contas.

Segundo o establecido no artigo 4 do Decreto 193/2011, polo que se regulan especialidades nas subvencións ás entidades locais galegas, é necesario que o Concello cumpra co deber de remisión ao Consello de Contas das contas xerais de cada exercicio.

O Concello deberá presentar certificacións acreditativas do cumprimento das obrigas tributarias, coa Seguridade Social e de non ter pendente de pagamento débedas coa Administración pública da comunidade autónoma.

A sinatura deste convenio implica, de ser o caso, a autorización á Consellería de Cultura, Lingua e Xuventude para solicitar as certificacións acreditativas de que se atopa ao corrente das obrigas tributarias estatais e autonómica e da seguridade social, así como que non ten pendente de pagamento ningunha outra débeda, por ningún concepto coa Administración pública da Comunidade Autónoma de Galicia, de acordo co establecido no Regulamento (UE) 2016/679 de protección de datos, na Lei Orgánica 3/2018, de 5 de decembro, de protección de datos persoais e garantía dos dereitos dixitais, disposición adicional cuarta da Lei 40/1998, de 9 de decembro, do imposto sobre a renda das persoas físicas e outras normas tributarias, e demais disposicións de aplicación.

De acordo co artigo 10 da Lei 9/2007, do 13 de xuño, o Concello deberá presentar unha declaración responsable de non estar incurso en ningunha das prohibicións para obter a condición de beneficiaria. Esta declaración deberá presentarse antes da sinatura do convenio.

O Concello comprométese a destinar os fondos percibidos ao obxecto concreto para o que foron concedidos. A Consellería de Cultura, Lingua e Xuventude poderá comprobar, cando o considere pertinente, a execución das actividades obxecto deste convenio.

### **TERCEIRA.- Financiamento e compatibilidade**

A Consellería de Cultura, Lingua e Xuventude comprométese a aboar ao Concello de Marín a cantidade de 250.000 € para o equipamento do novo auditorio municipal con cargo á aplicación orzamentaria 13.03.432B.760.0 dos orzamentos xerais da Comunidade Autónoma de Galicia para o ano 2025, código de proxecto 2015 00370.



No caso de que a xustificación dos gastos sexa inferior ao importe do convenio fixado na cláusula primeira (336.783,09 €), a achega da Consellería de Cultura, Lingua e Xuventude diminuírase proporcionalmente.

Non se entenderá incumprida a obriga de xustificación das actuacións obxecto deste convenio no caso de variacións das contías previstas nas distintas partidas establecidas no orzamento estimado na cláusula primeira, cando obedezan a razóns xustificadas e as actuacións que se levaran a cabo garden relación directa co obxecto do presente convenio.

Conforme o disposto no artigo 40.1.d) do Regulamento da Lei de subvencións de Galicia, a achega económica prevista no presente instrumento será compatible con outras subvencións, ingresos ou recursos para a mesma finalidade, procedentes de calquera Administración ou entes públicos ou privados, nacionais, da Unión Europea e/ou organismos internacionais.

De conformidade co artigo 17.3 da Lei 9/2007, do 13 de xuño, o importe da subvención en ningún caso poderá ser de tal contía que, illadamente ou en concorrencia con outras subvencións, axudas, ingresos ou recursos, supere o custe da actividade subvencionada. En caso de superar procederá o reintegro do exceso obtido sobre o custo da actividade subvencionada así como a esixencia do xuro de demora correspondente.

#### **CUARTA.- Xustificación dos gastos e pagamento**

A xustificación do cumprimento das condicións impostas e do seu custo deberá levarse a cabo de acordo co previsto nos artigos 28 e seguintes da Lei 9/2007 e de acordo co previsto no Decreto 193/2011, polo que se regulan especialidades en subvencións ás entidades locais galegas. A data tope de presentación da documentación xustificativa da actividade e, se fora o caso, da xustificación dos gastos que restasen por aboar ata acadar o 100% da contía concedida é o 30 de novembro de 2025.

A documentación requirida na fase xustificativa presentarase electronicamente na Carpeta do cidadán da persoa solicitante/representante, <https://sede.xunta.es/carpeta-do-cidadan>.

De acordo co artigo 8 do Decreto 193/2011, do 6 de outubro, polo que se regulan especialidades nas subvencións a entidades locais galegas, as entidades locais beneficiarias estarán obrigadas a xustificar ante o órgano concedente o cumprimento da finalidade da subvención, a realización da actividade ou adopción do comportamento que fundamentou a súa concesión e o seu custo real, mediante a presentación dunha conta xustificativa integrada, con carácter xeral, pola



documentación que se relaciona a continuación, e que incorporará, en todo caso, a certificación da intervención ou do órgano que teña atribuídas as facultades de control da toma de razón en contabilidade e do cumprimento da finalidade para a que foi concedida.

O Concello presentará electronicamente a conta xustificativa da subvención, dentro do prazo establecido e incluírá a seguinte documentación:

- Certificación expedida pola Secretaría do Concello, co visto e prace do presidente, relativa á aprobación polo órgano competente da conta xustificativa da subvención, na que se faga constar de forma detallada:
  - 1.- O cumprimento da finalidade da subvención.
  - 2.- Os distintos conceptos e contías correspondentes aos gastos totais soportados pola entidade beneficiaria imputables á actuación subvencionada coa seguintes relación: identificación do/a acredor/a, número de factura ou documento equivalente, importe, data de emisión e data de recoñecemento da obriga polo órgano competente.
- Indicar número de asistentes
- Facturas expedidas polas empresas adjudicatarias dos traballos relacionados co obxecto deste convenio achegando xunto coas mesmas o comprobante de pago efectuado e certificacións ou calquera outro documento con validez xurídica que permita a acreditación do cumprimento da finalidade da subvención.
- Unha relación detallada doutros ingresos ou subvencións que financiarán a actividade subvencionada con indicación do importe e o seu orixe; ou, se é o caso, declaración de que non solicitou nin se lle concedeu ningunha outra axuda para este mesmo proxecto ou conceptos para os que se solicita esta subvención.
- Os tributos son gastos subvencionables cando o beneficiario da subvención os abone efectivamente. En ningún caso se consideran gastos subvencionables os impostos indirectos cando sexan susceptibles de recuperación ou compensación, nin os impostos persoais sobre a renda. Na xustificación deberase indicar si son ou non susceptibles de recuperación.

A presentación desta información é requisito imprescindible para a tramitación do pagamento, devolvendo toda a xustificación que non o cumpra.

En todo o relativo aos gastos subvencionables deberá cumprirse o disposto no artigo 29 da Lei 9/2007, de 13 de xuño, de subvencións de Galicia. Cando o importe do gasto



subvencionable supere as contías establecidas na Lei de contratos do sector público, para o contrato menor, o beneficiario deberá solicitar como mínimo tres ofertas de diferentes provedores, con carácter previo á contratación do compromiso para a obra, a prestación do servizo ou a entrega do ben, salvo que polas súas especiais características non exista no mercado suficiente número de entidades que as realicen, presten ou subministren ou salvo que o gasto se realizara con anterioridade á solicitude da subvención.

#### Subcontratación:

Poderán ser obxecto de subcontratación, total ou parcial, as actividades subvencionadas a través deste convenio, tendo en conta o disposto nesta cláusula e de acordo co establecido no artigo 27 da Lei 9/2007, do 13 de xuño, de subvencións de Galicia. En todo caso queda fóra da subcontratación aqueles gastos nos que teña que incurrir a entidade para a realización por si mesma da actividade subvencionada.

De conformidade co previsto na Lei 9/2007, de subvencións de Galicia, para efectos desta xustificación consideraranse os gastos realizados durante o ano 2025 dende o 1 de xaneiro ata a data tope de xustificación da axuda, que respondan á natureza da actividade subvencionada.

De acordo co disposto no artigo 30.2 da lei 9/2007, de subvencións de Galicia, as actuacións obxecto do convenio estarán sometidas á comprobación explícita da súa realización por parte dos servizos técnicos da Xunta de Galicia.

No caso de que o Concello non xustifique ou a xustificación sexa insuficiente, procederá o reintegro das cantidades percibidas e a esixencia do xuro de demora correspondente dende o momento do pagamento de subvencións ata a data na que se acorde a procedencia do reintegro.

Cando a actividade fose financiada ademais de con esta subvención con fondos propios ou con outras subvencións ou recursos, deberá acreditarse na xustificación o importe, a procedencia e a aplicación de tales fondos ás actividades subvencionadas.

#### **QUINTA.- Pagamentos anticipados e á conta**

En aplicación do Decreto 193/2011, do 6 de outubro, polo que se regulan especialidades nas subvencións ás entidades locais galegas, a Consellería de Cultura, Lingua e Xuventude poderá efectuar pagos anticipados, que suporán a entrega de fondos con carácter previo á xustificación que non poderá superar o 80% do importe subvencionado, máximo de 200.000 €. O pagamento restante, 50.000 €, pagarase no momento da completa xustificación polo Concello do cumprimento da finalidade e demais condicións establecidas no convenio.



No caso de que o Concello solicite pagamentos anticipados deberá presentar unha memoria na que se recollan as actuacións que ten previsto realizar así como unha memoria económica xustificativa co custo das actividades. A concesión de anticipo realizarase mediante resolución motivada, de acordo co disposto no artigo 6 do Decreto 193/2011, do 6 de outubro, polo que se regulan especialidades nas subvencións a entidades locais galegas.

O Concello tamén poderá solicitar pagos á conta, artigo 62 do Regulamento de Subvencións, que responderán ao ritmo de execución das actividades subvencionadas aboándose pola contía equivalente á xustificación presentada.

O importe conxunto dos pagos á conta e dos pagos anticipados que se concedan non poderá ser superior ao 80% da porcentaxe subvencionada correspondente aos pagamentos xustificadas.

O artigo 65.1 do Decreto 11/2009 polo que se aproba o Regulamento da Lei 9/2007, do 13 de xuño, de subvencións de Galicia establece que o beneficiario/a está obrigado/a á constitución de garantías cando estea prevista a posibilidade de realizar pagamentos á conta ou anticipados; non obstante, segundo o apartado 4 do devandito artigo, exonera de constitución de garantía, entre outros, as administracións públicas.

#### **SEXTA.- Comisión de Seguimento**

Para facilitar o seguimento, o cumprimento e a coordinación do convenio, constituirase unha comisión mixta de seguimento, integrada por dúas persoas representantes de cada unha das partes asinantes.

A comisión rexerase polo establecido na Lei 40/2015, do 1 de outubro, de réxime xurídico do sector público e estará presidida por quen acorden os membros da comisión por maioría simple e actuará como secretaria/o quen se designe da mesma forma.

#### **SÉTIMA.- Causas de resolución e modificación do convenio**

O incumprimento de calquera das estipulacións deste convenio constituirá causa suficiente para a súa rescisión, e así mesmo procederá o reintegro da subvención cando conorra algunha das causas previstas no artigo 33 da Lei 9/2007, de 13 de xuño, de subvencións de Galicia.

As modificacións do convenio adoptaranse por acordo expreso e escrito das partes asinantes, e de acordo cos trámites que esixa a normativa vixente.

Segundo o disposto no artigo 31.4 da Lei 14/2013, do 26 de decembro, de racionalización do sector público autonómico:



*"Os convenios subscritos pola Administración xeral da Comunidade e Autónoma e as entidades instrumentais do sector público autonómico poderán ser obxecto de modificación cando teñan como finalidade o logro dos obxectivos de estabilidade orzamentaria e sostenibilidade e financeira.*

*Ditas modificacións terán por obxecto a redución do volume das obrigas ou a ampliación do seu prazo de execución."*

Segundo o disposto no artigo 7 do decreto 193/2011:

*"Unha vez recaída a resolución de concesión, o beneficiario poderá solicitar a modificación das características do proxecto ou actividade subvencionada, cunha antelación mínima dun mes á data de finalización do prazo de realización da actuación".*

Respecto da subvención concedida pola Consellería, toda alteración das condicións tidas en conta para a súa concesión dará lugar á modificación do convenio, sendo de aplicación as previsións ao respecto contidas na Lei 9/2007, do 13 de xuño, e no regulamento da dita lei.

#### **OITAVA.- Publicidade e rexistro do convenio**

As partes asinantes deberán cumprir coas obrigas derivadas da entrada en vigor da Lei 1/2016, do 18 de xaneiro, de transparencia e bo goberno. Para tal fin, as partes aceptan que o texto do convenio se publique no Portal de Transparencia e Goberno Aberto da Xunta de Galicia incluíndo os datos identificativos das persoas asinantes.

Así mesmo, o Concello acepta e consinte a remisión do convenio, logo da súa sinatura, ao Rexistro de Convenios da Xunta de Galicia.

De acordo co establecido no artigo 30 da Lei estatal 15/2014, do 16 de setembro, de racionalización do sector público e outras medidas de reforma administrativa, que introduciu diversas modificacións na Lei 38/2003, do 17 de novembro, xeral de subvencións, o contido deste convenio será publicado na Base de Datos Nacional de Subvencións, nos termos recollidos no artigo 20 da Lei 38/2003, do 17 de novembro, xeral de subvencións, modificado polo artigo 30 da Lei estatal 15/2014, do 16 de setembro, de racionalización do sector público e outras medidas de reforma administrativa.

Así mesmo, será obxecto de publicidade no Rexistro de Axudas, Subvencións e Convenios, ao abeiro do disposto no decreto 126/2006, do 20 de xullo e no decreto 132/2006, do 27 de xullo.

#### **NOVENA.- Protección de datos de carácter persoal e garantía dos dereitos dixitais**



As partes asinantes comprométense a cumprir, en todo momento, as disposicións contidas na normativa básica estatal e autonómica que xustifica a lexitimidade do tratamento dos datos persoais e dereitos dixitais.

Na aplicación deste convenio respectaranse cantas esixencias establece o Regulamento UE 679/2016 xeral de protección de datos e a Lei orgánica 3/2018, do 5 de decembro (BOE 06/12/2018) de protección de datos persoais e garantía dos dereitos dixitais, adoptando cantas medidas resulten necesarias para cumprir as súas previsións e, en particular, para garantir a seguridade e integridade dos datos persoais e dos dereitos dixitais e, a súa protección fronte alteracións, perdas, tratamentos ou accesos non autorizados.

Serán de aplicación todos os dereitos e obrigas derivados da normativa aplicable en materia de protección de datos e garantía dos dereitos dixitais.

#### **DÉCIMA.- Administración dixital**

As partes asinantes deste convenio respectarán cantas esixencias establece a Lei 4/2019, do 17 de xullo, de administración dixital de Galicia (DOG 26 de xullo de 2019), que será aplicable ao sector público autonómico, integrado, de acordo co artigo 3 da Lei 16/2010, do 17 de decembro, de organización e funcionamento da Administración xeral do sector público autonómico de Galicia, pola Administración xeral e polas entidades instrumentais e, tamén, será aplicable á cidadanía que ten o deber de utilizar os servizos públicos dixitais que se poñan a súa disposición de xeito adecuado, co respecto das normas de uso, xerais ou específicas, que se establezan para cada un dos servizos e, en particular, os cidadáns e as cidadás deberán utilizar os sistemas de identificación e de sinatura electrónicas de que sexan lexítimos titulares, usar a información dispoñible conforme a política de privacidade publicada e respectar a normativa en materia de protección de datos de carácter persoal (artigos 2 a) e b) e 7 apartados 1 e 2 respectivamente da citada lei).

#### **DÉCIMO PRIMEIRA.- Xurisdición**

En todo o non previsto no presente convenio será de aplicación a Lei 9/2007, do 13 de xuño, de subvencións de Galicia e a súa normativa de desenvolvemento. Aplicarase con carácter supletorio a Lei 38/2003, do 17 de novembro, xeral de subvencións.

Será de aplicación a Lei 40/2015, do 1 de outubro, de réxime xurídico do sector público.

Este convenio ten natureza administrativa. A xurisdición contencioso-administrativa será a competente para o coñecemento de posibles cuestións litixiosas que poidan suscitarse como consecuencia del.



### **DÉCIMO SEGUNDA.- Notificación electrónica**

Segundo o artigo 14.2 da Lei 39/2015, do 1 de outubro, do procedemento administrativo común das administracións públicas, os colectivos que están obrigados a relacionarse a través de medios electrónicos coas administracións públicas, e polo tanto, a recibir notificacións por canles electrónicas son: as persoas xurídicas, as entidades sen personalidade xurídica, os colexios profesionais, os que representen un interesado que estea obrigado a relacionarse electronicamente coa Administración e, os empregados das administracións públicas para os trámites que realicen con elas por razón da súa condición de empregado público.

As notificacións realizaranse só por medios electrónicos a través do Sistema de Notificación Electrónica de Galicia Notific@, <https://notifica.xunta.gal>. Para poder acceder a unha notificación electrónica, o interesado deberá contar cun certificado electrónico asociado ao NIF que figure como destinatario da notificación (persoa física ou xurídica). Así mesmo, o interesado pode autorizar a calquera outra persoa a acceder ao contido das súas notificacións.

### **DÉCIMO TERCEIRA.- Vixencia**

O período de vixencia deste convenio será dende a súa sinatura e ata o 31 de decembro de 2025, sen prexuízo de que se subvencionen as actividades realizadas dende o 1 de xaneiro de 2025.

Ao estaren as dúas partes conformes co pactado, asinan telematicamente este convenio.

O conselleiro de Cultura, Lingua e A alcaldesa do Concello de Marín  
Xuventude

María Pilar Ramallo Vázquez

José Carlos López Campos

